

920755070

SELLEVOLL KULTUR OG LANDSKAPSPLEIE

Mobilnummer

917 31 491

E-postadresse

claus.sellevoll@gmail.com

Kontonummer **** * 87631

Vedtaksdato

05.08.2021

Vedtaket er gjort av

Alver kommune

Søknadsdato

05.01.2021

Vår referanse

Agros 143136

Vedtak om tilskot til spesielle miljøtiltak i jordbruket – Dreneringsgrøft

Samandrag:

Alver kommune har vedtatt å innvilge opptil 26 500 kroner i tilskot til SELLEVOLL KULTUR OG LANDSKAPSPLEIE til Dreneringsgrøft. Frist for å gjennomføre tiltaket og rapportere er 02.08.2024.

Alver kommune viser til søknad av 05.01.2021.

Bakgrunn i saka

SELLEVOLL KULTUR OG LANDSKAPSPLEIE søkte om tilskot til spesielle miljøtiltak i jordbruket 05.01.2021. Du søker om totalt 26 500 kroner i tilskot for tiltak perioden 06.01.2021-06.11.2021. Totalt kostnadsoverslag for tiltaket har du utrekna til 53 500 kroner.

Søker ønsker å grøfte og sette istand eit beite kor det har vore stølsdrift i gamle dagar. Søker ynskjer å: 1: Grave av jordmasse. Grøfte. 2. La jorda tørke ut. 3. Tilkøyre stein. 4. Jobbe med jordmasse og overflatedyrking.

Frå gammalt av gjekk det kyr på stølen i Veneset. I 70-80 åra blei området nytta til beiteeng for hest og oksar. Sidan har beiteenga forvandla seg til ei vassjuk hengje med stort innslag av bjørnemose, lys- og knappesiv. Ei større omarbeiding av jorda er heilt naudsynt, og med det kjem ein del drenering. Ei solid grøft med stein (pukk) i dalføret er det som skal til for å få tørka ut den vassjuke jorda. På den måten kan ein få hevd att på det grøne kulturbeitet, som ein gong var kjenneteiknet til den gamle stølen

Tiltaket vil vere med å bidra til å ivareta biologisk mangfold samt leggja til rette for større tilgang og opplevingar i kulturlandskapet utover det som vert forventet av moderne jordbruksdrift. Tiltaket vil bidra til at stølen vert teken i bruk att, og halden i hevd.

Største delen av området vil få beitedyr i løpet av to år. I tillegg vil noko av arealet gå med til å etablere blomstereng og blomsterstriper for å bidra til å halde oppe og auka mangfaldet av pollinerande insekt.

Grunngeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom skal tiltaket gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Me synar til søknad om grøfting og drenering av gammalt stølsbeite

Målet er å fremme naturen i jordbrukets kulturlandskap på en god måte. Søknaden har vorte vurdert etter prinsippa i naturmangfaldlova(NML) §§8-12,JF.§7. Sakshandsamar har gjennomgått artskart, naturbase og etter ei samla vurdering kome fram til at tiltaket som er omsøkt ikkje er i konflikt med prinsippa i §§8-12 i naturmangfaldlova.

Kommunen meiner at tiltaket er i tråd med SMIL -ordninga sitt føremål, jf.forskrift om spesielle miljøtiltak i landbruket §1.

Tiltaket er også prioritert i kommunen sin SMIL -strategi.

Kommunen meiner at tiltaket er godt og vil bidra til å utvikla kulturlandskap gjennom aktiv beiting og fremma biologisk mangfald

Type kostnad (aktivitet)	Beløp (kroner)
Tilfang av stein	28 000
Graving, opning og attlegging av veit	20 000
Arbeid	5 500
Kostnadsoverslag:	53 500
Tilskot	26 500

Alver kommune har vedtatt å innvilge opptil 26 500 kroner i tilskot.

Vilkår for tilskotet

Frist for å gjennomføre tiltaket og rapportere er 02.08.2024. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Området skal nyttast til beite og/eller slått i minimum 10 år frå løyving.
- Greiner og tre som blir sagd ned skal samlast opp og ryddes

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Sluttrapportering skal gjerast elektronisk via altinn. Skjema for rapportering finn du på landbruksdirektoratet si heimeside eller ved å logge inn på saka di i altinn

Husk å ta bilder undervegs, før timelister og ta vare på kvitteringar for utlegg som du har hatt undervegs tilknytt tiltaket

Alver kommune betaler ut det innvilga tilskottet etter at du skriftleg har bede om det, og når vi har godkjent rapport og sluttregneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskottet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskottet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggst ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 53 500 kroner. Utbetalt tilskot kan ikkje overstige 49,5 % av godkjende kostnader for å utføre tiltaket. Dersom kostnaden for å utføre tiltaket er lågare enn godkjent kostnadsoverslag kan tilskotsbeløpet bli justert ned.

Kontroll

Kommunen, statsforvaltaren og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskottet.

Klagerett

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
for Alver kommune

Saksbehandla av: Maya Greve

Godkjend av: Laila Bjørge